

周中丞疏稿

大中丞周公救荒事宜序

吾吳大中丞懷魯周公鑄甚前
後取條上章疏暨採三忌事宜待
旦臺湯謀諸革千層諸君子序
惟余亦授簡焉余以不文竊不獲
也公之出宗以論閱議諸君子論次

之詳至乃序以系政序曰政事醫
藥也政事之有紀載方書也
採系之政則瘡之醫藥
採系之政之有紀載則瘡之
瘡之禁方也公撫吳三年餘
遺然霖為雲之通強相望吳

民不旦夕為魚則為霖耳公
以名置其身於洪波駭浪中
者真為拮据操之心付之彈
竭適於吳氏得免捐齋東南
宴然誰力也周禮大司徒以
汝眾
改十省二聚為萬民所謂散利為

征強後舍禁等政更數年哉

以易也代而降若富鄭公賑善

州種長公賑越州辛去疾賑河

南亦亦賑災能師其意焉公居

怕雅言興鑿鑿嚙噬圖之既已

豫必災之也也於古人已試方略

雖不博采而互證又必詳詢當
代以俟東南以宜時之延見小民
勞問疾苦更時藉箸賢士夫
子集且廣益執計所以使安
以故者為條章自鴻鉅利病
以迄纖悉靡不周悉以備垣

而洞中藏者無復病多道少
之患亦惟公病深昧民真而
能至以能知之耳抑是編法也
非所以法爾以法者惟虛惟誠
又為虛之率則非是編之所具
我必災沓流於何國哉有之率

肉糜求人之瘼請天子得公之
而存之又神而明之若積貯于
儉保甲等政皆實心經畫於
登典事之時勿張皇於饑饉
此為陳之曰民間何至立壁懸
額石以若病及膏肓者合秦越

大聖之而走哉。矧以吾吾東南根
本重地。計也蓋採其荒無亭了。策
舉世以爲固然。余謂採其荒亦自
有奇。水旱興甚於堯湯。然不
求其爲。整治思何者。彼其求而
與一急一事。不軌。民非僅。採水旱

者通此一奇也世亂政雖具在周官
然怕時為職九為保息之政六曰
遂人曰編人曰匠人曰遂師曰遂大
夫曰縣正曰里宰曰月錄曰六鄉
曰六遂惣為民則水旱之何不
能病也據水旱其駢殺耳此一

齊也師旅饑饉聖門之志者定

其禱祠而求聖賢與學問願為

弘濟艱難設也益自逢衣淺

帶時已熟學壽之至此一齊也古

之人德詔費舍者或亦以一身

救百姓長治溝壑之民者或謂

以此得身幸會笑入地出爾其為民
良髮膚補患都忘之也此一奇
也弛從自是之辰政或古學工作以
賤大業之民擇人自是於荒政或令
官吏亦資待缺寄居者皆賦
以祿何書其勞約使人，盡力

涪州自是出產改或前氏之未饑而
為書向屬縣平價自是出產改
或不扣米價而便自平儲蓄自
是出產改或不禁糶而米益多
立法何常之有隨他為變要以
拯民而已此一志也活饑民數百

萬寶於你中書二十四考古之人
當其切直及民百宰相不以公銀
易此一奇也公於經史以裁良法
美意六校已得十之五六斯古今
所難得事內風尚弄宜心誠求焉
不中不遠是在極饋涵矣子相身

婦力而已余之縷、及此蓋不厭
公也

治年弟姜士昌仲文撰

治下六合門人孫國光亦書

救荒事宜目錄

一專責成以稽實效

續附議

又續附議

一議平糶以救急饑

續附議

一裒庫積以資糶本

一風慕義以廣儲積

一稽積貯以備發賑

一禁抑價以招遠商

一通米船以示共濟

續附議

一勸樹德以積陰功

續附議

又續附議

一藉賑濟以復農業

續附議

一藉饑民以期實濟

一廣粥廠以便就食
一覈實荒以杜虛冒
一寬贖罪以備賑給
一懲奢靡以示節儉
一諭典戶以便貧民

續附議

一酌工作以資宴戶

續附議

一恤寒士以全士節

- 一 申暴禁以安良善
- 一 嚴保甲以周弭盜
- 一 慎獄情以安民生
- 一 停勾攝以甦民困
- 一 收壯勇以備不虞
- 一 施醫藥以救罷癘

督撫軍門救荒事宜

屬吏

祁承燦

陳以開全校

欽差總理糧儲提督軍務兼巡撫應天等府地方
都察院右僉都御史周 為急救災民事職得
三吳不天商羊為改桑田滄海民不聊生此皆
本院奉職無狀感召異災用是痛心疾首竭蹶
剜心苟有利於溺饑誠無愛於膚髮業已請

蠲請

賑為災民請旦夕之命第此在

之恩不可必也惟是蚤見豫待殫心竭力使災民
可恃無恐正在此時古語云救之於未饑則用
物約而所及廣官無大損而人人受賜救之於
已饑則用物博而所及微而已饑之民終無救
於死亡今擇其最切要而當預備者款列於後
願與良有司設誠而力行之蓋吾輩盡一
力便救一輩生靈死亡是振救緩急之間乃先
元人鬼之關念之令人惻然倘良有司共此
心不遺餘力事事有條人人受惠則循良卓然

即此可知本院當破格屬擡若議於策之無可
坐視災之生斃一籌莫展四境流離則其隱憂
不職亦即此可知定行齋虔如曰心非不盡
止此耳試看各官自家子孫有疾痛苦楚難
宵帖席乎推廣是心以保災民思過半矣

計開

一專責成以稽實效

荒政不在多言顧得人何如耳是故有治人
無治法行之非人即一家父子兄弟夫婦之
間猶有不公不明之處不免向隅之泣况於
氓姓萬民乎若得其人則八荒之遠四海之
廣其痛痒疾病若呼號股膝之間無不得拊
摩而爬搔之者又况流離在目前乎故一郡
得一良二千石則一郡理矣一邑得一良令

則一邑理矣所謂人定勝天饑而不害本院
固可拱手而受成也唯隸荒政非比他縣可
以坐理必巡行阡陌慰閭閻庶民隱得
實惠可偏此在郡守勢不能也不得不責成
於各縣縣官能矣縣大地廣縣官又不能也
勢不得不責成於佐貳當今茲流離載道慘目
傷心郡縣正官於此時有不竭廢從事而猶
自愛其力者非情矣况此時一切緩務俱已
報罷各官正有餘力本院專精而責成各官

所殫力而報稱者全在此時可不煩告誡唯
是中材小官不激不發固當鞭箠使也計一
邑縣官勤勞於上分理須得一二人倘本邑
中偶乏不妨旁借即府幕亦可又不然教官
雜流中遴選亦可但須有精力而小心者計
一郡中自不乏人也是役也若作尋常差遣
無以激發其踴躍任事之心文到府官須加
意精選開名到院以憑特委以示慎重之意
一應迎送差委及本衙職事俱免使得專意

於不理荒政仍給以薪水寬其日月事成有
說當破格特薦如往時有吏負出身而以庸
官至通判者故事具在也卑官難于自見此
正處囊脫穎之時倘以賄聞不稱委任法無
赦如是庶佐貳等官殫力以佐縣官之窮縣
官精神不尔耳目得徧窮鄉僻壤無不到之
處饑餓不遺無不被澤之人矣不然勢不得
不委之吏胥里排種種弊竇即官司勞心焦
思

朝廷賜蠲賜賑祗飽奸貪之壑矣擇人委任為荒
政唧絮故首列第一款

續附議

救荒固須分任但衙官自好者絕少而衙役
生事者極多若任此輩則到一鄉先索一鄉
之供億行一事先啟一事之弊端小民又以
縣官莫敢聲說是拯其溺而益之深也即教
職科甲青年既寡薄而不屑事事尋常流輩
又鬪茸而罔効區區即如往歲大戶積米曾

委教職監糶矣而假票報糶虛數報完一惟
錢紳為張主遠商米船亦委衙官監糶矣而
米可歸之奸牙則歸之衙役饑民百里持錢
終日曾不得顆粒而空歸焉且糶未半而竟
完矣如此等官民何由沾實惠莫若每縣公
報殷實者頌數人素以公平信義為一鄉所
推服者縣官假以禮貌諭以賞罰分委任而
專責成之有功旌以扁額最者給以冠帶如
有作弊民不均沾者許百姓連名指實呈告

到縣查審得實擬法究坐似反勝于衙官教
職也此一議也足濟前議之所不及甚為痛
快總之在該府官遴選得人如前議中名到
院破格差委諒衙官雜職無不稱職之弊但
恐衙官雜職內一時乏人則如此議責成鄉
黨義士二者並行不悖可也

又續附議

饑民嗷嗷企踵望澤如沒者之欲出熱者之
欲濯勢甚岌岌有司留心與不留心實與無

童白叟爭呼吸之命故郡縣死之則生死
矣郡縣活之則立活之矣呼吸存亡間不容
髮必郡縣全付之精神專用之荒政而不以
他忖然後仆者可起骨者可肉也故本院之
荒政惓惓於有司不啻三致意焉本院全付
之精神又專責成於有司矣功令已頒申告
至再人具八井之心各懷納溝之恥中豈無
急急皇皇若痼瘕在身不遑寧處者耶抑猶
然涖涖沓沓秦越人不相關也當此救焚拯

弱之時本院已盡寬其他課一意委以便宜
此正郡縣急急皇皇之日未宜泚泚沓沓然
者如平糶招商廣積備賑等款種種已詳本
院旦暮望有司之奉行不啻痿人之欲起幾
番心熱幾欲眼穿唯是今歲之谷不登來春
之計當蚤元十月之交正是種麥之時有司
須車騎省從巡行村落省麥不足兼種菜蔬
菜熟則二三月可不饑麥熟則四五月可不
饑况朔風一動饑寒切身枵腹之民能堪乘

烈之氣凡問其疾苦周其困乏正在此時
幾遍歷窮荒家咻而戶喚之勿憚心煩勿惜
解少吾輩脚力所到即民生意可回嘗見世
之標竒者涉華山之巔登太山之嶺且不憚
脚力為之且此又為民救死者也豈其有愛
焉不然即邀天幸盡蠲盡折奉行不實實惠
不到饑民即有數百萬金錢委之不可知之
人以曰賑救能救於死亡乎近聞高溥令宋
祖騰於各圩衝沒特親棹小舟下啼號數千

人於高屋之脊高木之杪而載以入邑至今
堂皇之間婦孺履滿本院方行查以卓異旌
之本院聞善如恐不及故不待查復而亟書
以風他令使他令人如此而後余憂可釋
也夫郡縣力能活人坐視民之主斃而不為
之所是殺人而不以忍也罪也本院力能使
郡縣活人而不殺人坐視郡縣之殺人而不
為之所是東南數百萬之生靈皆本院推而
納之溝中也罪又浮於有司也即萬死何以

謝東南之士民本院於此心欲嘔舌欲救其
欲焦矣無非欲有司亟活人而不殺人也倘
聽者之猶然漠漠也本院又可柰何哉惟有
一切之法荒政舉者薦荒政不舉者叅斷不
假借無待而興者豪傑也豈盡乏人中材而
下即民瘼之念淡切名之念濃亦將勉效一
臂之力為本院分憂矣

一議平糶以救急饑

昔蘇軾奏臣在浙江親行荒政只用出糶常
平米一事更不施行餘策蓋常使數萬石斛
斛在市自然壓下物價境內百姓人人受賜
此誠救荒第一良法本院近檄所司酌動官
銀差官往豐熟去處收糶米麥以備平糶買
米之使亦既相望於道矣第恐遠水不能救
近焚勺水難以沃焦釜唯是官糶與民糶相
為表裏循環無端庶幾米麥克盈災民得濟

近見常熟縣查有私積米夫戶一百三十
名每名領銀就近收買米粟百石以備平糶
分買則衆力易辨就近則厝處無難民既樂
從法亦簡便計各縣亦有積米大戶也獨不
可倣而行乎又不然各縣空役之戶可使也
如未役者買米數百石免役三年上海近議
行之矣又不然有田之戶不可復困而無田
大戶有典有國者亦可使也又不然士夫自
本身親子姪兄弟外而諸翁伯諸姪及親戚

有田久寄名書冊者亦可使也。又不然，新都
商人之開典于部中者，擇其贏于貲而嗜於
義者，禮而名之，亦可使也。總之，各商民止獲
其力不傷其財，不為厲也。豈惟不厲，且令得
自帶其粟米，又得因以為利也。唯是此輩憚
於遠涉，亦不必遠涉者，連年豐稔，民有蓋藏。
今富家巨室，封倉不出糶者，畏官價耳。誠不
定以一切之價聽其以時價糶。糶於民與
糶於官，糶於外境與糶於本境，等價耳。此又

得事上急公之義與爾鄉黨鄰里之意固富
家巨室所願傾倉而應也近糴不足始不督
已而遠涉米粟不足始不得已而兼取糶糶
大都一番在糶一番在糴一番在途循環轉
運絡繹不絕糶而歸矣付之牙吏則易為侵
漁且資市糶糶而復責其糶也則守支之苦
不啻焉又恐其為富戶厲也各縣原自有倉
官買米到縣官檢驗入倉為期日親自給糶
本院令臨海曾親行之良不為疲大抵百人

以上便慮冗雜當分場逐隊用旗引之法徐
寧孫蘇次參成式具在也若縣大民衆縣官
難遍不妨就諸城門相近寺院凡十數處或
衙官雜職分理至於村落餓殍豈能就升斗
之粟以緩涸歟之死扶病而來排擠不前守
候艱難浩嘆空返須于各荒歉區中或鬧鎮
人衆或寺觀空房多置倉廩以義倉俟民
糴一到官為驗數即入義倉仍選委本區公
正為鄉閭所信服者延見慰諭虛禮激勸不

駭以大户之名而風以義民之號又委佐貳
雜職官與義民同本區里排量行給糶仍
前分場分隊法不得雜亂設鑼一面於門外
有真實饑民不得入糶者許鳴鑼入裏
將半即以糶本交官即給往再糶以備接濟
不得斷絕至麥熟而止縣官仍出其不意往
村落查聞以防佐貳諸役不稱委者事竣凡
糶米及監視糶米商民或給以扁或給冠帶
或免其差役至於新都典舖或免其借辦之

擾仍給券令其的子弟得占籍與考焉庶乎
人樂用命而平糶之米日日在市視之巡門
俵米攔街散粥者必且百倍矣

續附議

糶糶循環一番在糶一番在糶周而復始其
策誠從第糶不全在日下八九十三月專講
積貯其道主聚而不主散至十月以後專講
流布其道主散而不主聚矣又有司操聚散
之權不能無寄而行之寄之牙僧寄之胥

役弊也寄之里排猶身僧也寄之雜流冗負
猶胥役也於是不得已而寄之公正不以正
奸民之尤而并里席狼畏之者也然則今日
聚散之權終何所寄無已則有民間之大戶
可使耳大戶非能人人好義急公也而溫飽
則身家念重身家念重則乘機射利之心猶
不勝其畏法懼禍之心故可使也此一議也
足以濟前議之所不及吳俗重因果即如齋
僧造橋造塔徃徃不惜重費為之况起饑民

於溝壑之中骨而肉之所謂救人一命勝造
七級浮圖此等陰德視齋僧造橋造塔等功
德萬倍况此又不費財者也不過借力耳此
固其所踴躍趨役者第恐有司行之不善始
而僉報繼而稽查衙役乘之湍目是擾錢糧
干係又慮贖償善不見德不則受累掛名在
官便不得脫前役未了後役又來嗟嗟大戶
何不幸遭此困苦也此全在有司除其煩擾
畧其小失仍與之約一殺之後永不再累仍

事如優恤或給扁或給衣冠或量免差役
等善之報如是而大戶不爭先聽命者
一有也以一鄉之大戶一鄉之饑民事
而惠溥視雜流冗負不檜公正里排
萬倍矣全在有司加意行之

一東庫積以資糶本

夫無米之炊巧婦不能近檄有司買米動稱
無銀堪動束手以視饑民之斃又安在為民
父母也彼汲長孺何如人哉方今帑藏空虛
安得贏餘若待無礙可動是災民終為溝中
之瘠矣除稅界事例河夫空役餘米助役贖
贖缺官柴馬省存驛傳魚課匠班兵糧事該
省存牌坊盜賊變易等項一切堪動者許令
搜括買米外倘有不足即未解錢糧權宜借

用事完抵還亦自不妨計各府縣庫中徵稅
或預有先解者有遲解者姑借此遲解之銀
給發買米計一縣須得萬金乃可非謂萬金
之足於用也夫萬金而萬金用之可立而涸
也惟是將此萬金半在糴半在糶如環之無
端不使間斷是不竭之倉也惟是方今九邊
然眉三軍枵腹徵輸催督迫於星火本院誼
急同舟期於共濟何忍計解惟是洪水為災
民困已極不蚤為計入秋以待秋風一動歸

饑蹠寒民愁無聊計無復之弱者駢首棄捐
於溝壑強者攘臂嘯聚於郊關根本動搖關
係不小是不過緩一年之解全活數百萬生
靈之命使二百年來根本之地屹然金湯所
得孰多况

至上海寬仁保民如子必不以專擅督責即使有他
本究願以身當之昔洪皓在秀州擅留浙東
綱常平米斛四萬守禁不肯曰此

古學所趨也罪死不赦皓曰民仰哺至急寧以一

身是數百萬人之命本院亦不難於捐此身
為災民請旦夕之命乃若有司奉行不謹預
備不早處置無法異日倉無粟市無米野有
餓民豈有盜賊是有司之罪也夫無米而炊
實謂曰巧婦不能也今有米矣而猶無不炊
與拙婦也本院斷不能於此姑息也

一風慕義以廣儲積

縉紳先生解組歸來閉門耕讀即有贏餘原
以養廉而富民起家得之艱難持之吝嗇亦
無足怪故哀矜惻隱與爾隣里鄉黨超出流
俗之外此可望於賢士大夫不可槩望於齊
民每見荒年一番僉報闔邑騷然奸民乘之
攘臂而起致令富家巨室人人自危是水災
固災此之為災如水益深耳本院甚不欲救
荒有此強借也唯是荐紳先生夫孰無慕義

之致此一時也當必有投袂而起者第無程
以格而風之市義以自為德也可或立印簿
二扇一官簿一民簿官簿自本院捐俸為首
以次及道府州縣倘鄉紳先生慷慨仗義積
德行仁者聽其自書若干不願者不強也
於任俠慕義如顧正心者三吳富民豈謂無
人倘有如顧正心捐數萬金救民者本院即
為

題旌萬金而下樹坊給扁俱無所吝欲冠帶者

冠帶以榮終身欲效用者給劄付令效用又
為之免其重役即如輸米百五十石者免百
畝之差三年輸米三百石者免千畝之差三
年米以遞加田亦以遞免俱聽其自書有司
不得一毫勒強近青浦縣候選序班王仕指
贖五百金助賑吳縣監生朱國賓措銀千兩
助糴其銀即發各縣行賑行糴仍令縣官親
往其家懸扁以旌之仍免三年重役使得為
善之報本院之不食言如此夫請蠲請賑禁

搶奪禁強借本院之保護富豪不遺餘力倘
富豪終吝一錢不出不能為本院效一臂之
力無論辜負本院且非為身家計也古今饒
於財者無如石季倫奴輩利吾財之言可為
炯鑒此事在古昔無論往者吳門之事念之
令人心悸豈忘之耶古來始於鑽核一念終
釀藏珠之禍亦可思也亦可畏也

續附議

吳中役法大率五年而一輪差民戶有田百

畝者僉點板頭一年收銀二百兩其費六七
金有田千畝以上僉點北運止中解戶一批
其費約二百金今若輸米一百五十石則時
價該一百二十金矣而止免其四百畝之差
三年是以百二十金之輸而博免二十金之
役也循是而上有田千畝者輸米千五百石
時價一千二百金而止免所費二百金之北
運恐民未必樂輸此議誠為有理須當視所
減之役與所輸之米略相當乃為均平又富

民動於義者少動於名者多凡輸米五千石者為疏

請遙授京官銜三千石者疏

請外官銜二千石者本院給劄付效用或曰名器不可假人是又不然即如白丁納銀三千竟實授中書儒士加納六百竟實授外官其騷擾驛傳剋剽民財

國家得不償失今只授虛銜似不為過也

一積積貯以備發賑

積貯原以備災荒本院不啻三令五申矣平
日據有司申報倉廩盈滿如崇如墉即義倉
社倉學田一切井井循政燁然蓋曰足以備
不虞也今非不虞時乎日積日累計當有陳
陳相因者近據各屬申詳又動稱倉廩多空
無以應卒何前後矛盾如此豈昔以虛應耶
此之謂紙救荒殊可太息大抵法久弊生事
久蠹起其不能無年漁可知也各府理刑廳

官查盤是其職掌不得姑息隱瞞須為親到
各縣倉廩逐一盤核每倉貯穀或米若干通
共若干支銷若干實在若干其于各義倉社
倉及學田亦查核如前通符見在實數各申
報本院不可聽吏書支吾影射使百姓之脂
膏恣奸貪之魚肉當此救荒之時舌敝唇焦
萬無可措甚不得已且復仰給於巨家富室
矣此猶私也原不與公家事不得已而用之
者也乃前項錢糧原在公者也不先覈之在

公而遽以風勵私室可乎

一禁仰價以招遠商

商賈熙熙攘攘而來皆為利耳唯不抑其價
則米商自來米商來多則穀價自平若有司
不識時宜遂訂其價則客米不來客米不來
則境內有蓄積者愈闕錮不出矣嗟嗟客販
不來上戶閉糶小民嗷嗷何所恃以為命有
餓死而已耳昔范文正之在杭包孝肅之在
廬俱不限米價而賈至益多蓋有深意頃屬
荒之初起市價驟騰自非禁令之盡一勢且

日益而未已故本院不得已權宜暫為之下
令平價一時單寡之子其幸脫於主槁者
此令之力與第此特可偶一為之耳蓋
之時謂其與時消息而為之高下者也
不可為常也自今著為令凡商賈以賈
價高下悉聽民間時值官無所與仍聽其就
便兩平交易官司不得封記而束縛焉所以
便商正以便民也但荒年好種陰德各商須
尋義中之利積德子孫比往年積有利息

當知足毋得縱無厭之欲高臺時價如有奸
牙狡僧乘藉年荒故意增減病商病民究行
拿究

一通米船以示共濟

夫過糴之政霸者羞稱夫亦謂彼歉而我豐而閉不相恤如晉饑秦輸之粟秦饑晉閉之糴之類也非謂彼歉而我亦歉而亦不當過也隣人之子饑同室之子亦饑奪同室之子之食以與隣人之子非人情矣唯是有司奉行不善而奸徒遂藉搜米之名阻抑商船米船不通鄰國受病間亦有之本院已三令五申除將一二奸徒究治外自今著為令凡係

本境之米不許出境仍不定價聽其隨便交易如係外省之米船或往閩或往越船到即放仍不許抽稅聽其往來自便關津棍徒不許邀截攔阻以病鄰國蓋吳越一家如左右手未有左手病而右手得無恙者

續附議

凡本境米不許出境外省米不許攔阻聚善矣而多有富民糶米於本處舖行里排及地方積棍亦指為私糶乘機詐害又聞各牙行

多通各衙吏書及衙官每本地米潛糶外境者每石得銀二分安然放去而外方米出糶者又動稟衙官索詐阻抑與本院賑救實事水火相反言之可恨自後正官須加意稽察再有如前弊里排衙棍劫號究治不肖衙官密報以便拿問

一勸樹德以積陰功

陰德之報為善陰隲書中所載甚詳諒深虛
語姑舉一二如陳天福歲凶發廩平糶貧者
能糶則與米無米則與飯又無飯則與錢有
一道人持錢糶米天福曰道人要齋糧當納
上何用錢後道人題四句於壁間遠近皆稱
陳長者典錢糶米來施捨他時桂子與蘭孫
平步玉堂與金馬已而三子俱登高第官至
太常祝染南遇歉歲為粥以施貧者後生一

子聰慧請舉入學手榜將開忽街上人喚
者奔馳而過報狀元榜手持一大旗書四字
曰施粥之報及榜開其子果為特科狀元此
在久遠無論姑舉耳目之近往聞馮李有一
賢士大夫時當凶年開倉廩以救饑民隣里
鄉黨賴以全活者千萬家至今世高其行天
厚其報聞有日者為之推卜前者驗後者不
驗後者不驗乃陰德之報也陰德陽報之說
章章如是今三吳富家巨室積德施仁者豈

少本院揣知荒非至極不發意蓋有待也唯
是行賑散粥如上諸公陰行善者上也本院
日企而有望於三吳尚義之家也此固所禱
祀而求者也又不然各業主自賑其佃戶可
矣彼其休戚利害之與共而能秦越視哉豐
年大食其力歉歲不恤其私可乎其佃田多
者至十餘畝少者不下五六畝每畝給米二
斗則多者至二石少者可一石即給以官儲
安能及此不煩官帑而惠自周可無報名之

費可無候給之煩可無冒領之弊此為救荒之良策又不然豐年抵斗償之亦無不可此在賢士大夫樂為善無近名無責報此其聽之不待本院詞之畢也第恐富民以名應耳有司須細稽查令其開報給過佃戶若干但不得因而為擾也又不然遠年租債焚券以市義可也即不能焚券姑待歲豐取索可也毋縱豪奴悍僕助水為虐也又不然湖蕩菰蒲羨美鳧雁魚鰕之利凡係無糧之業許饑

民樛植麥熟乃止勢豪不得厲禁以上諸事
於區家無大損於饑民濟實濟事之易行者
天視天聽即在小民捐者今毫報者尋丈浮
屠果報或是渺茫即此眼前便是證果此在
高賢大良自為善不得而強也

續附議

業立各自難其佃戶此法均平周徧而有實
憲法最良但業戶名雖有田而未必有積者
頗多當此大荒徃徃有自救不贖者若每畝

限以賑米二斗則百畝者便當二十石矣此
在千畝以上素稱富家者猶或能之然而其
田愈多其賑米亦與俱多尚難如數况以百
十畝計者又豈堪此且今冬之築圩來春之
穀種勢必仰給業戶計非每畝斗粟不可又
豈能出此許多也况萬一未必全蠲則所賠
又且不可知乎此一議也足濟前議之所不
及須再酌減每畝賑米一斗其借米聽其量
力為之官司不問可也

又續附議

各業主賑各佃戶法簡而惠實核業誠便此
外又不有甲賑法賑之法乎道俗有小戶出
甲必訟之虞官與外姓爭辨則憚之而族豈
偶值荒年而不可以義相勸率乎自今著為
令先令以各甲濟各串不足則官為之助以
各族賑各貧不足則官為之助夫里長之於
甲首有休戚相關之意族長之於族屬有骨
肉相倚之情此固不煩強抑而人樂從不煩

報名而法自簡不煩稽查而澤易核其法之
良與業主賑佃戶相表裏是在有司加意行
之耳

一藉賑濟以復農業

今三吳之水不謂不稽天矣水鄉之民不謂不魚鱉矣然至於沟沟而好言亂者此本非力農而被災之民也皆市井村落中無賴惡少干紀杆網不耕而食者在荒園無穫即豐亦無穫而特乘機以肆其咆哮耳使賑濟而行於此輩是以膏粱飮豺狼也况里排又畏之如虎而不敢不以貧民報者其力農而被濟之戶則猶然半莽不及耳且小民自巨浸

以來室廬無依插蒔無期雖百計慰安而托舟楫負耒耜以博一日之命於四方者不知其幾矣轉盼三冬春農是賴而使野無歸鴻將田隸為壟則莫若以賑濟之惠為招徠復業之舉將各縣見貯在倉之穀分而為二于八月間給發一半于種麥之民以為麥種于三月間給發一半于種稻之民以為穀種其應給之民務要縣官留心總理及督率廉幹佐肅各官分區親督里排覈其所種之田及

其實務農之戶造冊報縣方准給發卽倉穀
不足不好別以輸賑者給之而既給之後仍
間查其作種過麥禾若干以防冒領夫以佈
種為賑濟則賑之民間者皆布之田畝者也
田畝之所布即不能一時以仰給而青青遍
野將民心自安與其以賑為名而徒恣里胥
之乾沒飽奸民之口腹者相去遠矣

續附議

吳中小戶大抵皆佃種業主田其當佈麥佈

救荒事宜

禾之時業主惟恐拋荒以失租課於九十月
四五月佈種之時佃民無麥種穀種者業主
當悉行借貸田熟加息還之或官給印信簿
令借者註簿領米不還者官為之追理自無
不貸之種無不種之田矣若官發賑濟一發
於八月則似早一發於三月又似遲貧民一
頓入手未免輕用而冬春五個月恐無聊賴
故賑濟賑糶兩項必須九月後相兼行之至
麥熟方止為萬全也

一籍饑民以期實濟

賑糶之舉期于饑民得沾實惠聞往時一行賑糶則市僧輒訛充饑戶藍縷其衣改頭換面更姓移名重復虛冒俾啼啼者束手以待斃校僧者鼓腹而嘻將所濟非所饑所饑非所濟如同兒戲殊為可嘆此事必須正印官親歷鄉村遍行荒處隨門審察逐戶填註大人幾口小兒幾口或絕無生計或稍有過活即時不上饑次饑二等次饑即給賑糶曆上

饑即給賑濟曆官立一總簿即時登記鄉村
成聚之處令五家為保即被水飄没人戶
散之處亦令就近五六家作一保若一戶不
實一保俱不得賑一鄉之中土田高下不
故有共一村居民而田高者即為豐年田
低者即為饑戶尤不可不核饑戶有遺漏者
許本戶陳訴有詐冒者許同保首告仍用蘇
次叅法用紙半幅上書某家口數若干大人
若干小兒若干合賑糶若干合賑濟若干實

帖于各人門首壁上以便出其不意抽查核
勘并各給領糶領濟一單如期許執單投進
來領至期縣官即忙不得改日至于縣大地
廣縣官難于徧歷須委如前精擇佐貳及
教職雜職協同各鄉公正有德之士不拘紳
衿耆老相與商求務使舉無遺人人無遺舉
庶一粟一米皆到饑民之口不成畫餅各府
縣正印官千萬留意

廣粥厥以便就食

人生一日不再食則饑饉寒鉢於身而求緩
須臾之死者其情狀可知矣當此公私匱竭
之時而欲以擬罕氏餓國人之舉勢所不能
則惟有多設粥廠庶濟者易於廣恩而食者
易於取足然粥以濟民而適以厲民者有之
蓋煮粥必委之里排彼豈能人人奉法而毫
無浸漁者乎又豈能視公事如家事而炊煮
得宜者乎或粥少而食者驟衆也則以水滲

之或糜薄而食者怨恚也則以灰混之况久
得之腹豈暇擇食未有不恣其饕餮者薄惡
之糜驟然之飽其有不傷生者乎故曰粥以
濟民而適以厲民也况就食者聚於一處則
未食之先有淹滯不逮之嗟而既食之後有
纒飽不均之嘆且群處而食雜陳而來氣久
蒸薄必生疾厲此皆必至之害也今粥廠須
以多設為主亦不必更煩木植以費官民自
城及鄉每於寺觀菴院之處度其可容數百

人在城郭者縣官自主之其餘鄉村處所或
一二十里或三四十里隨其鄉約菴廟廉幹
佐貳督同好義之民共襄義舉其費必須取
足於官糶可動之米及倉廩未發之米及民
間所輸者仍須於粥場繩列數十行每行兩
頭豎木檟繫繩作界饑民至令入行中挨次
坐定男女異行有病者另入一行乞丐者另
入一行預諭居民各携一器粥熟鳴鑼行中
不得動移每粥一桶兩人舁之而行見人一

口分粥一杓貯器中須臾而盡分畢再鳴鑼
一聲聽民自便分者不難雜蹂食者不苦見
遺上午定限辰時下午定限申時亦無守候
之勞總之散粥散米不宜太早須在秋冬之
交舊儲已盡新穀未升瓶壘內空烟火外絕
此時行之方為當厄

一覈實荒以杜虛冒

夫救荒者必先覈實而後惠無虛冒如縣有
幾保保有幾區區有幾畝須先令大段明白
某保區為荒某保區為熟某保區為半荒如
上年報旱荒今歲無水荒可知夫荒熟既已
詳得法當使荒區報熟而熟區報荒蓋荒區
則荒處既多若更一一報荒則畝書必以開
寫之煩耗言紙筆之費沿門需索任意低昂
貧戶艱於買求則田荒而反作熟富豪易為

恐喝則田熟而反作荒即荒冊已定而官府
難於遍踏踏荒之時且有船頭之作弊得賄
則引至荒處無賄則引至熟圩故當止報其
荒區之僅熟者則其所剩皆荒不辨而自明
矣是法也一則畚書便於攢寫可無錯雜騷
擾之弊一則官府易於踏勘亦無寫遠難達
之苦又不然近城去處縣官親自踏勘窮鄉
僻處仍責佐隸廉能官處處親到替令現年
保甲開寫蓋錢糧是其干繫開報豈敢不公

正虞熟田不報則踏勘之時當令各熟田每
圩挿一木板約高五六尺者明開一圩中某
人熟田若干佃戶某某人熟田若干佃戶某
若有不挿板之熟田即係漏報其作報之人
法無赦若踏勘官當預置竹籤具開區面藏
於籤筒不可托吏書收執以防弊竇須密封
衙內時常行掣又宜簡從役輿皂單騎輕舟
帶籤而往隨意疾赴兩間出人不意掣籤細
查其間又不無移坵換段之弊要在加意釐

革嚴法創懲則處處可以得實也其半荒區
分亦止報熟勘熟之法亦如之夫荒熟既盡
得實則饑民大畧可知蓋熟田之佃既籍則
荒田之佃非饑民而何此即可與籍饑民之
法並行而不悖其核實荒時即其籍饑民時
也法宜變通以省繁劇是在良有司事事關
心步步着腳雖知煩勞吾輩受此煩勞百姓
受許多全活陰德無限令名無窮知之勉之

一寬贖罪以備賑給

夫平糶之說為小民之力能辦數文以博升合者言也不有瓶無顆粟甑有飛塵并升合而力不能辦者乎則賑給之議又所以濟平糶之窮矣顧當此帑藏若洗之時將盡取給於官無論無米之炊勢不能辦而蹄涔之水所甦幾何惟有贖罪之途可議耳然罪自答杖而至鬼薪城旦即豐時亦未嘗不贖也所贖幾何是必重大獄情除悖逆及真正人命

盜之外其餘自軍罪而下皆得納米以贖
至於監生生負及吏農人等凡緣以
尋常者俱許於本等所納之外再加一倍
若贖還職役仍視其歷事聽選及叅役之久
而遞為增加如監生原納四百兩者今倍之
則八百兩矣若聽選在十年之外者則又更
加三分之一其吏農等項皆遞及而遞加除
生負須申詳學院且無所納之則例可議聽
臨時酌處外其餘有願贖者本犯具呈於縣

查其原案具由申詳以憑裁酌如此則
法於一人而實可以活千萬人之命固
十二荒政之一端也

一懲奢靡以示節儉

夫國奢宜示以儉况歲儉示殺此尤救荒第一義吳俗奢侈所從來久矣送死者竭貲以供發引遣女者兼兩以徇結褵此猶可諉曰父母兒女之至情也乃若通都闡市羅列珍竒萬度千箱華艷奪目壅斷者招呼於肆無賴者勾誘於途彼此征逐如水之流不究底止甚且炙煇烹魚醇釀甘脆盈庖溢宇酷烈芳馨令見者目眩而涎流不覺探囊而解帶

若斯珍錯偏近青樓盤礴之餘多生迷惑以致少年輕薄破產亡身如蛾之赴火雖死不恤此猶可諉曰輕薄蕩子也乃若軒軒華組楚楚青衿坐擁樓船身携孌婉流連詭浪竟日通宵一席之費竟可救八口之饑何不汗樽杯飲以一二施之餓而欲死者使足於半菽可也風俗至此亦官司之責自今約法率先自本院始如燕會交際鼓吹劇戲一切浮費縉禮俱從減省諸有司俱當如約共成雅

道以救災荒至於婚喪吉凶嘉禮及宴飲屋
室一切往來閭道諸費仍望士大夫尤當首
倡儉道以為齊民標的至於閭巷之間市肆
之內有敢仍前征逐濫巧及貴遊公子任俠
博徒夜聚曉散遨遊馳騁百萬一擲千金一
笑種種奢淫等項俱許有司廉實究治招解
夫貧民方枵腹以待哺富室猶侈心而習靡
天實降鑒恐有餘殃縱未能為同類而解推獨不

能因

天災而省悔乎古云教民節儉則財用足夫教民
非我輩之責而誰責哉願良有司同心而力
挽之諄切諄切

一諭典戶以便貧民

夫吳門擁重貫而開典者徽商與土著雜處其間此輩以吾民為外藏也久矣每年僅僅以額課解稅監外官府不得而役差解不得而及且去年又已免稅課十分之三此輩之獲良利而受

國恩也亦厚矣乃一遇歲祲類稱無本收當深藏閉戶十家而九間有收者較之平常所典十僅與一夫厚獲利于豐稔之時而忍坐視于

凶荒之日無論非情法之所宜即古語所云
悖入悖出之訓亦非此輩身家之利也合無
示諭令此輩遇有小民衣飾器具照依常年
規則值十當七不得過為剋估且託言無本
以拒絕貧民仍着典舖每家赴縣具領憲給
印信批文不論遠近令其糴米來家銀米兼
當而其米一照時價高下苟非騰湧之甚官
府不為限制如此在開典之家既可以米為
本且可以糴獲利在來與之民不必易米以

銀石竟可以物博米况典之舖多則米之途
廣前之當者將盡後之糴者又未加環無端
流轉不匱此亦以民濟民中又一術也

續附議

夫議糴議糶常用且急矣第糶必用銀錢
銀錢必取之營業營業不售米律急糶豈能
空手來糶當必取諸衣飾器皿無衣飾器皿
又豈能空手來當况賑濟平糶之米有限民
生之營業無窮故須調停其營生令其得售

方是根本如崑山之民南方業綿布北方業
苧布婦人業辟麻與紡紗常年客商收布多
故布貴絲紗貴而得度日今歲荒苧貴絲賤
花貴紗賤且收布者少欲求常價之半而不
得絲紗則兀苦終日而利僅二三箇錢是以
雖有賤米而不能糶欲當米而不能當也惟
束手待斃而已官府賑之其賑有幾哉不
半月而盡矣惟是有賑濟以為營生之本多
收布以為營生之利夫然後平糶之法貧民

戶忘實惠不爾止於有錢有當之家受惠而
無錢無當之家終得腹矣故須責令六舖收
布比今賤價每石少增一二子或責令樂輸
之家即以其所出之米增價收布收完易銀
再收但價增則米以漸而損約計歷時數次
米盡而止又不然即以官糴之米收各縣之
營生止以蘇軍一廣論太倉崑山嘉定常熟
吳江收布長子三縣收絲線兼收布亦照時
價少增收完或派樂輸之家或派典舖易銀

此議在民為以已養已在上為不賑之賑事
便而功倍各自營而不為非亦救荒一策也

酌工作以資宴戶

夫議荒政而及於鳩工使貧民得役力以糊
口事誠然矣然所謂興工者必修建有原設
之額帑藏有見貯之銀及此荒歲一舉行之
是兩利而俱存之說也如各縣原無應作之
役亦無可動之銀而輒議興工則勢必至加
編加派以取給夫加編派于災民以動役猶
之剜垂斃之肉而療饑饉未療而先速其亡
矣使范希文而當此時必亟傳之不暇也至

於無煩官帑有益大户而兼可以濟貧民者
無如脩圩之一事蓋各縣屢歲旱而不澇故
民皆忽此修築而原存圩埂日塌月削僅存
一綫所以一遇大水捍禦無策今誠及八九
月水退之時縣官輕舟寡從遍至窮鄉每圩
之中有四而稍饒者許畝出米若干有田而
家貧者許畝出力若干即以饒者之米充貧
者之腹而使之畢力于修築之舉其圩埂之
狹者培之低者增之有數千畝共一圩者仍

界畫為數圩而多築其埂以分之夫埂厚而高則禦水有具圩分而小則車戽可施在出米者非置之無用之地在出力者即自為己田之謀且可以目前救荒之謀為後來備荒之用其地非水鄉郡縣無圩可修或繕治城池或平治橋道或營建官廨大都動千人之工則活千人動萬人之工則活萬人但須於富民不擾於饑民得濟而止此又救荒一端也

續附議

借工役以寓賑恤前哲固有行之而輒改者
昔范文正公之守臨安偶遇凶侵公私公
乃反大興工作一切黻宮紘宇廣行修葺
令饑民計工就食抗人賴以全活者不可
計况蘇松被災之由實緣河道堙塞河道
濶則受水有地洩瀉亦速縱有旱潦不能
災今吳淞淤為平陸矣蘇之白茆七浦福山
松之蒲葦通波盤龍白鶴諸塘浦幾於斷

矣一遇亢陽遂致赤地千里數日陰雨遂致
平地陸沉此又理勢之所必致而未可盡諉
之天行也第錢糧匱乏無米難炊卷查隆慶
初年開浚吳淞自黃渡起至宋家港口七十
餘里費銀七萬有零亦不過吊取各府贖贖
及查支各庫無礙官銀而已即今各府贖贖
及無礙官銀俱已動發糴米備賑帑藏一空
視昔尤難矣第天下事當從難處做去况良
已魚鱉奚忍坐視司道及府縣官諒同此心

須親歷踏勘熟計審處商量利害計處錢糧
冊開申詳以便題

請舉行不然恐河流之洩受日窄天道之旱潦無
常歲歲蠲停年年賑濟東南根本之地將化
而為污萊魚鱉之鄉誠不知其所終矣

一恤寒士以全士節

夫士在齊民上在平時猶當優恤况當此凶年釜塵竈蛙興三旬九食之嘆尤可憐憫須令學官從公開報貧士姓名須分上次二等計等輕重周恤其有名不列黌宮而身有處士之行者有司亦當為之設處賑恤以示禮賢下士之風若學田有儲預備倉有積更不難辦毋待其自行請乞傷廉恥之素心可也

一申暴禁以安良善

稂莠不除嘉禾不植除亂民正所以安良民也即今饑荒初起尚未至極蠢爾頑民遂據臂而起乃知此等亂民非迫於饑寒乃閭巷惡少艸澤奸兇睥睨已久欲藉饑荒以求一逞者也萌芽不剪將成斧柯本院已將亂民羅文獻等遊示處死外嗟爾良民須知荒年易過豐歲將來况本院視爾等之饑寒不啻痲痺之在身即示中諸款皆本于胸中流出

至誠懼到纖悉曲盡即爾等自為計慮亦不
過是爾等須體本院真切為民之心共守法
度期為良善况有本院生張於上各屬各理
於下必不忍使爾等去斃道路為溝中之瘠
趁此水退隨便耕種雜糧蔬菜即捕魚探鱉
亦可聊生夫從善未必即死從兇百無一生
此事易明若怙終不悛如羅文獻等頃刺立
斃屍骸暴露誰為憐惜各宜省悔毋蹈覆轍
自貽後悔如有司奉行不善致爾民饑者不

濟濟者不饑則道路之口本院亦時時體訪
斷不姑息以上業行屢示仍復申飭

一嚴保甲以周弭盜

夫救荒與弭盜之法原相表裏弭盜莫周於保甲而談保甲者率畫餅視之何也一格於有力之家不屑與齊民共巡緝一苦于浮居之民不能與土著併心力耳今城中原有夜巡各兵俱有信地似不必再議防禦以滋煩擾矣惟是稽查人戶分別善良縣官可以按籍而知奸民不能以窩藏而隱則保甲之法尤荒政之喫緊事也今由縣以及於郭由郭

以及於鄉各以次第編成字號每十家為一
甲以有精力者一人為甲長十甲統以一里
里即以見年充為里長十里統以一保保即
以見在公正充為保正以本年首名糧長充
為保副如公正首名果係年老不堪者仍行
另報其人烟湊集之所即數十百甲亦止統
於一里而村落零星處所不妨以數處湊成
一甲每甲照依十家牌式逐家填寫一樣二
張一掛於甲長之門一付於里長里長總付

保正副保正副即照單填寫魚鱗人戶冊類
齊送縣人戶之下須照牌式註明某人係何
生理或係單丁或係幾口或係殷實次貧極
貧人戶俱務須的確查填其十家之內倘有
寄跡可疑及無本等生理與每每夜出不歸
者甲長即報里長里長即呈官究治村落處
所原無巡兵其十家之內各自具防禦器械
仍以前一甲之尾即書後一甲之首某人後
一甲之首亦書前一甲之尾某人務使一區

之中首尾相貫指臂相聯一有盜賊生發
頑民搶奪等事俱立刻奮力擒拿無容漏網
至於賭博尤須加意查禁蓋賭博少則竊盜
稀竊盜稀則大盜息此尤喫緊第一義異日
即欲賑濟饑民亦難貧民亦按冊而了然在
目矣

一慎獄情以安民生

當民不聊生之時一命非所惜也強者甘蹈法而攫人于市弱者擠身命而詐人于家往往而是甚至有父子兄弟對狼滿室委一老憊不堪者于平民之家而不逞之徒群而和之視其家資皆為已有爪鎖之未已也群搶之未已也盡室以飽其廟牙之噉然後以徐徐尺帝裹首而攔街塞巷狂呼于府縣之前及事體得白而平民之家已蕩然矣此風一

倡不特非所以安大戶及非所以生災民也
今後凡有以饑荒之故強借不從拚命圖利
投河自縊服毒等情決不斷給葬埋以遂
其欲使民多輕生無賴之行至于民間一應
詞訟應追應給之銀除

錄依及上司追贓入官還官之外其餘一切租債
與斷給找絕等項俱不得無端纏告即勢豪
挾持采告亦一槩停追通候成熟之年方與
追斷夫禁圖詐以安巨室傳以償以寬小民

情法兩平上下胥便

一傳勾攝以甦民困

夫災民猶之疋夫然力培之尚不能有起色少觸之即顛仆矣故軫恤之計惟在力甦民困而民之最不堪者無如勾攝之一事八口旬日之供不能當市肆之一嚼也貧民終歲之役不能充胥隸之一飽也縱嚴禁群役生事擾民而法之所不能禁其大弊有三其一為軍丁之起解夫一軍之赴伍其僉妻掛號旅邸長途之費不下二百餘兩每一里排約

費二三金而此二三金者里胥又以分釐而
培歛於佃戶不知其幾千百家也故一軍起
解而半縣騷然災民之不堪者一其一為隔
屬之關提夫民間理直氣壯之事未有不歸
結於本境也有其冒籍生端者非以誑批為
難結之局則以關提快拖累之謀在承提者
視為奇貨利藪在被關者見若赴火蹈湯彼
小民寧盡其所有以求解一日之厄也雖經
通行各屬禁革猶恐有司奉行不謹災民之

不堪者二其一為遠年之案未完勢不得本
拘催及拘催而人亡廿境徒拘一二里排及
親故回話張本拘一番多一番之擾災民之
不堪者三自今凡一切勾單補伍關提人犯
一槩暫停通俟有秋之後方為查行至於遠
年舊案其未結者查申可銷者允銷其未結
者查申可豁者允豁已問配而贓久未完者
姑准發配釋淹理滯亦所以感召天和也

一收壯勇以備不虞

夫吳門游手之民誠衆矣然其間黠有力者不過千百中之一二耳此一二人者其力緩急可用棄之可惜也今後各練兵將領須於信地處凡一坊一卷之間果有投石超距之勇及膽略不凡游手無事仰食無地者皆密訪而密識之願補伍者即為申收之行伍中稍優其餉更有傑然自見其才者不妨量補隊長等役每哨以數名為率其本等之餉即

以撫摩中空月之銀通融給散各將領能用
心體訪所收得人者註以上考無事既可實
行伍而時訓練有事且可賈餘勇而作先驅
亦荒取消萌之一也

一施醫藥以救罷癘

大水之後必有重疫各郡縣須蚤為選舉良醫量給藥費令散處村市以救病者不幸而死亡則於救荒銀內給棺槨銀三錢助之其報舉責於糧里其甘結責於比隣有而不舉舉而不實者皆有罰必以穀為賑備如此則生者得養病者得活死者得藏此亦救荒之一也

以上諸款辟之藥方也至於宜寒宜熱宜清宜
補對症用藥不拘古方變而通之起病人于九
死之中方為國手今茲之政本院決不執古方
以替良有司唯是一掬仁心百方妙劑出斯民
於蛟涎魚腹之中無使有中澤鴻雁之嘆此本
院所禱祀而求者也且將視此為殿最焉

勸施迂談序

儒心之言施一曰博施濟羸禪心
之言施二曰財施法施言施不同
而真施則一財財施之施有限法
施之施無窮曰博曰濟而財法二
施備矣此則西方聖心之教不越

震且聖人之範圍也世之富貴
積粟如江河積金如山岳
鑰折項去毛契疏鞅掌不知厭
他視一切喫劍之寒士翳桑之餓
人猶越心視秦人痾瘵痾瘵了不
視關雒銖黍柔毫釐不輕假貸豈知

今生受者即他生作者受者曰何
因緣而享富貴作者以何因緣而
免貧乏乎無他杜施而已然以施
奚施其獲隘以不施奚施其施廣
曰施奚施財施是也不施奚施漙
施是也財施者貨貝錢刀法施者

言語文字故曰利而後利之不若
不利而利之之利也執此以勸則
百施之不逮勸施較然矣是編蓋
相國歸德沈公所著不佞讀之而
愴然感怛然悲不忝觀五左元元
奚浮苴漂榎接踵而填溝壑也乃

授之剛氏流布心問寧縣學立大
夫善人長宿讀之投箬而起俾菜
色之氓荷復生之賜乎剛公勸施
之文家傳戶誦其功德可思議哉
公負東山重望海內以出處卜浴
安是公方已溺已饑之患佐

聖明堯舜之化豈徒托諳言語文
字而已不佞重刻是編無亦助益
津臥剌波益太華已握壤乎

臨川周孔殷書于待旦堂

勸施迂談

余性有所偏每見人饑寒可隱者則
不覺擾擾焉欲施施則悅故每爲煦
煦小惠以自取適焉頃歲侵乃至竭
盆盎所有與繼之稱貸者以應人之
求亦自知過矣然不能裁節也抑所
濟幾何語有云人之欲善誰不如我
舉爾所知爾所不知人其舍諸余有

味斯言也乃託爲富人憐貧人者語
以勸夫世之好行其德者其語曰

嗚呼世事一何其參差不齊哉然未可一
二指數也姑聊舉所見吾每當賓筵極醉
飽主人方薦珍無已強之大嚼予蹙然舉
箸不能下而貧人有終身不知肉味者有
饑餓歿者吾冬裘夏葛涼燠以時猶欲盛
紈綺徇時尚冗陳疊積多不可遍及身而

貧人有衣不蔽體，倚簷露宿，朔風刺骨，寒顫齒擊者，吾高簷大棟安居，甚適，猶復爲山池亭館，魚鳥花竹，聲容耳目之玩，或有一奇異，則不惜千金購求之，而貧人緩急無賴，至有捐性命割父子絕夫婦之歡者，吾爲身家子孫計，已寬然有餘，猶務日辟疆展土，多積厚蓄，爲千百年虞代匱而貧人有室如縣罄，朝不謀夕者，吾財貨紛紜

而耳目不及周精神不及運不免至狼戾
縱橫陰以潤盜賊囊橐而貧人偶拾其一
遺秉穉穗則忍不能予或負貸子錢通工
易事則刀鋸之末有盡爭之者吾盛陳筐
篚攀援豪貴惟恐不納而貧人丐一錢之
施延旦夕之命有艱然作色者有託在肺
附之親而不能以貧身歸者吾多財而招
尤取忌宣侈導滯因之賈禍而貧人有待

吾鼠壤之餘以倖爲福利而不可得者何
世事之參差不齊一至于此也吾睹而悲
焉乃欲爲貧人緩頰勸富人行其德非槩
以古人高義如麥舟助粟傾貲賑饑之類
強人所難推捐其所無用以化而爲有用
則無不可爲者請詳以前事較度之賓筵
苦醉飽不堪則何不樽杯盃一二以施之
餓而欲死者使足于半菽可生也何不以

殘杯冷汁施之于生平不知肉味者使其
知人間之有此味也爲兩得其便乎然挹
彼注此耳實非有他費也衣不可勝用而
敝之篋笥與無衣同省一二爲裋褐以施
于衣不蔽體者則人且挾纊吾文繡亦自
不乏也吾不爲一時耳目之玩即可全人
之性命與人之骨肉此高世義舉也以施
于談議則可傳以省于深夜則自得吾以

爲天下之可玩好者無佳于此矣夫豈必
山池臺館魚鳥花竹之類而後爲快乎吾
多積厚蓄貫焉陳終吾身不盡用以遺
諸子孫則賢者亦足用愚者雖得此
不爲用將遺之不加名何人乎亦卒歸無
用何不及吾身而施之朝不謀夕者之猶
爲有用也吾所委狼戾縱橫者業已寘度
外苟貧人得有之是拾遺于道也非損吾

室中之有也吾何惜吾盛陳筐篚攀援豪
貴寧詎見德施升斗于涸轍卽欣欣起歿
回生也何以不爲此而爲彼吾多財而爲
崇彼得少而爲福而吾損有餘補不足雖
爲人詒福實爲我脫禍也此兩利之道也
徒蓄膏自煎何吾故曰捐無用爲有用者
蓋此也不嘗睹天道人事乎夫盈虛消長
之運天且弗違泉貨流行之物豈居一處

吾不暇遠引爲喻卽吾井里中昔所稱富人之家何可深數也今存者幾乎此疆彼界封域靡常王謝故宅迭更幾姓彼其子孫之不能終享也非盡由前人之好施而不爲遠圖也盛衰倚伏勢不得不然也知其然而上以承天意下以順人情當積則積當散則散其來不圉其去不慳可爲已用亦可爲人用者達人也旣以籠天下之

泉貨而聚之一室又設之隄防堙坎之以爲已千萬世不拔之業使不得他有灌輸者愚人也積陰德爲長久之計者知人也無所爲而爲者君子也

昔有得禁方于海上異人者以示人
人自爲醫無不立効迺俞緩諸人親
自操圭七鍼砭起癰扶瘵者與之較
活人多寡反居其幾則彥云施藥不

如施方者信然哉彼濟人以財與勸
人爲濟者大都若此矣顧余於勸者
豈能有所濟于世而嗶嗶以託諸用
說亦藥窮施方之意也世不乏給孤
獨長者能相與傳試焉

萬曆甲午人日河濱迂叟述

卷之六
終